



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Adolescens Academicvs Svb Institvtione Salomonis**

**Musart, Charles**

**Dvaci, 1633**

Cap. II. Prodigalitas temporis & rei propriæ, Aleæ, chartæ pictæ,  
sphæristeria.

[urn:nbn:de:hbz:466:1-49007](#)

*Temporis et pecuniarum prodigalitas.* 12



*Interea volat irreuocabile tempus.*

\*\*\*\*\*

*SYMBOLI EXPLICATIO.*

Quid agis perdite Adolescens?  
siccine tu rem omnium fortuna-  
rum pretiosissimam tempus prodi-  
gis? sic cum tempore male profuso  
etiam virtutis atque eruditioinis ia-  
cturam facis? & ridens quidem, ac  
ludibundus? nescis nimirum, nec  
sentis quidem quantum perdas; &  
rides corue, cras cras: & nugaris re-  
trograde cancer, eo eo. nihil pro-  
moues hodie, ac ne cras quidem.

Atqui bis terve miser mihi vide-  
ris. primùm quia tempus abijcis, vt  
quisqulias, & rem nihili, quām olim  
caro pretio redimi posse voles serò.  
Deinde, quòd ipse nunquam frugi  
aut rei alicuius homo sis euasurus:  
postremò, quòd vt temporis & vir-  
tutis, atque scientiarum, ita tuarum  
fortunarum prodigus sis nepos.

Quot, & quoties in Academijs  
O 4 vidi-

vidimus è tabula lusoria nudos ve-  
lut ex infami naufragio ægrè emer-  
sisse? nondum dixi animi damna:  
quot in aleis pictisve chartis, aut  
puncta, aut notæ, tot & plura insunt  
vitia: mendacium, perjurium, blas-  
phemiæ, doli, rixæ, contumelïæ,  
verberationes, cedes etiam non-  
nunquam. an eæ satis graues causæ  
videntur; vt fortunarum, animique  
Iesus illos exitiales, sapiens Salomon  
exagitet atque perturbet? at tu quod  
hec omnia nihil pensi habeas, iam  
non mihi miser videre, sed miseri-  
mus.

CA.



## CAPVT SECUNDVM.

*Prodigalitas temporis, & pecuniarum.*

## M O N I T V M.

Tempori parcito,  
Rem propriam vetitis  
Lusibus ne perdit.

## S A L O M O N.

 *Vi seztatur otium, stultifimus est.* Prou. 12.

*Qui seztatur otium replebitur egestate.* Prou. 28.

*Egestatem operata est manus remissa.* Prou. 10.

*Anima dissoluta esuriet.* Proverb.

10.

*Stultus complicat manus suas, & comedit*

*comedit carnes suas. Ecclesiast. 9.*

*Qui mollis & dissolutus est in opere  
suo frater est opera sua dissipantis. Pro-  
verb. 18.*



## MENTIS SALOMONICÆ

### INTERPRETATIO.

§. I.

*Vitam in comparandis artibus bre-  
uem, otium breuiorem facit.*

**R**EDE Galenus de rebus medicis li-  
brum scripturus quasi proemij  
loco præmisit vitam breuem esse, artem  
longam: ut scilicet ex qui nostri exigui-  
tate, rerum vero discendarum varieta-  
te, ac copia ad studij diligentiam exci-  
taremur: ac vitam quidem nostram bre-  
uem esse intelligemus, et si longissimum  
ei spatum indulserimus, si cogitemus  
longum esse non posse, quidquid est fi-  
nem aliquando habiturum: deinde si de  
longissimæ ætatis id est 70. 80. summâ,  
infan-

infantiæ, ac pueritiæ inertes annos, senectæ damna, somno impensas vices, cibo, alijsque necessarijs negotijs permisum tempus detraxerimus: comprehendemus profectò vitæ partem studioræ actioni relictam perbreuem atque ad paucos annos contractam. Neque tamen usque adeò naturam accusare debemus quod cæteris animantibus matrem se dederit, ceruis, coruis, cornicibus multa sacula concesserit; nobis vero tanquam improba nouerca viendi spatium contraxerit: Sapienter enim Seneca; *Non exiguum temporis habemus, sed multum perdimus: satis longa vita est, & in maximarum rerum consecutionem data, si tota bene collocaretur: sed ubi per luxum & negligentiam defluit, ubi nulla bona res impenditur, ulimâ demum necessitate cogente, quam ire non intelleximus, transisse putamus: sicut amplè regia opes, ubi ad malum dominum peruenierunt momento dissipantur & quamvis modice, si bono custodi tradita sunt, increscunt: disponenti multum patet; vita si scias uiri, longa est. At ut nescit, qui præmisso sibi tempore abutitur inerti, ac desidi otio: quā in re peccant hominum multi: tum verò iij gravius, qui adolescentiam integerrimam totius vitæ partem sibi elabi, ac eripi nullo*

Lib. 2. de  
breuit.  
vitæ.

nullo prorsus suo emolumento patiuntur: atque inter adolescētes delinquunt  
grauissimē, qui in Academiam tanquam  
in emporium missi, ut doctrinæ opes  
studio partas domum reportent, nihil  
agunt minus, quād id cuius causā cha-  
rissimæ patriæ sinu egressi ad peregrina-  
nas v̄rbes, ciuesque ignotos appulerint;  
ijs persimiles, qui cum nundinarum  
causā longos, difficilesque mariū tra-  
ctus enauigarint, in littore conchiliis  
legendis, aut carpēndis in prato floribus  
ludunt. Placetne S. Bernardum de  
flagitiosa istorum Adolescentium osci-  
tantia declamantem audire? Nihil, ait,  
preciosius tempore Eheu! nihil hodie vilis  
inuenitur, transiunt dies salutis & nemo re-  
cogitat; nemo sibi perire diem & nunquam  
redūtarum causatur: sed sicut capillus de  
capite, sic nēi momentum peribit de tempore.  
Nemo vestrum parui est: met tempus, quod  
verbis consumitur otiosis: volat verbum ir-  
revocabile volat tempus irreparabile: non  
aduertit inspiens quid amittat. Licit fabu-  
lari, dicūt, donec hora prætereat, id est, donec  
prætereat hora, quam tibi ad agendum pœni-  
tentiā, ad obtinendam veniam, ad acqui-  
rend. in gratiam ad promerendam gloriam  
misericordia conditoris indulserat! ô! donec per-  
transiat tempus, quo diuinam propitiare de-  
bueras

Serm. ad  
Schola.

beterrat pietatem, properare ad Angelum  
socutatem, suspirare ad amissam hereditatem,  
excitare remissam voluntatem, flere  
commisssam iniquitatem. Ita ergo illi tem-  
pus, ut quisquilius & algam, remque  
nullius pretij projiciunt.

## §. II.

*Nulla grauior iactura, quam  
temporis.*

**A**Tqui contra rectè censebat Ber-  
nardus, nihil esse pretiosius tem-  
pore: nimirum, quod Zeno dicere so-  
lebat, nihil deest homini magis, quam  
tempus, siue (quod idem addebat) quia  
nulla ipsius sit mora, cum continuò de-  
fluat: siue quia, ut aliud dixit, alia res  
amissæ reparari possint, tempus nun-  
quam, siue, quod maximè ducendum  
puto, quia bono usu temporis summæ  
diuitiæ, summi honores, cælum, &  
Deus ipse comparantur. Verum quam  
paucos mihi dabis, qui istud pretium  
tempori ponant, qui diem estiment, qui  
temporis parsimoniam magnum patri-  
monium putent: in paucis fuit Plinius  
ille maior Polyhistor dictus. Amicum  
exceperat cœnâ, hic cum lectorum men-

ſæ

ſæ quædam relegere iuſſiſſet, intellexe-  
rasne? inquit Plinius: poſtquam ille an-  
nuerat, cur igitur, ſubijcit, reperi im-  
peras? amplius decem verſus hæc tua  
interpellatio nobis ſurripuit, ô egre-  
giam famem inter epulas non edendi  
magis quam diſcendi! ergo ille momen-  
tum amittebat inuitus, tu, mi Adolescentis,  
non raro integras hebdomadas  
proiçis, ille ex veteri parcœmia.  $\chi\varrho\nu\tau$   
 $\Phi\epsilon\delta\gamma$ , parcendum eſſe temporis arbitra-  
tur: tu vitam iplam prodigis.

## §. III.

*Damna ex otio.*

**A**T meminiffe ſaltem oportebat animorum, atque agrorum ſimi-  
lem eſſe culturam; diſcipulorum atque  
agricolarum parem quoque eſſe debere  
rationem: nulla pars anni agriculturæ  
vacat; Autumno, & hyeme fodit, arati-  
tur, ſeritur, vere putantur arbores, æsta-  
te fruges metuntur: neque illa melliſſ  
ſequitur, niſi labores iſti præceſſerint:  
non enim ſic fruges naſcuntur, ut herbæ  
noxiæ: hæ, et ſi nihil agas, ſuccreſcunt,  
imò luxuriant, illę niſi ſudore non pro-  
ueniunt. Ita mente captus es, ſi reris  
otioso

otioso tibi ac temporis prodigo amplam eruditionis ac virtutis supellec-  
tum obuenturam.

Vides iam credo quò ista sapientis verba pertinent, *Qui sectatur otium, si ultissimus, qui sectatur otium replebitur egestate, egestatem operata est manus remissa: tum istud ad extremum: Anima remissa esuriet.* Et temporis fortasse ( et si res ista, ut dixi, pretiosissima sit) iactura tamen foret vulgo tolerabilius, si alia ex otio mala minime orirentur, maxime egestas ac fames; nam vitia, quorum otium fœcunda est parens ac nutrix, breuitatis studium facit, ut silentio preteream. *Quid enim? otiosi illi ne nihil omnino agere videantur? in negotioso flagitio se occupant manibusque complicatis aut inaniter tempus terunt, aut spensionibus fortunas exponunt, aut ipsi expositi ad unius aleæ iactum multorum dierum collusitant nihilo futuri ditiiores, si vicerint, quam si perdiderint: cum lucrum omne in carnes, coquos, culinas, & cellas tandem profundendum, dissipandumque sit: quod insanum quoddam genus est stultitiae simul & effeminatæ prodigalitatis sapientis iudicio. Stultus, ait Salomon,*

*complicas manus suas, & comedit carnes*

*suas.*

*suas. Et alibi. Qui mollis, & dissolutus est  
in opere suo, frater est dissipantis: tantum  
ergo abest ut homines isti res suas au-  
geant, decoquunt atque dilapidant. Ve-  
rū quoniam huc iam delaphi sumus  
illas otiosorum peruersas actiones si-  
gillatim persequamur, atque aleam im-  
primis perniciosissimam ludendi insa-  
niam exagitemus tantisper, si placet.*

## §. IV.

*Alea.*

**A**leam non modò leges vetuerunt:  
sed aleatores præterea infamia  
notatos esse voluerunt. Ab hoc lusu  
Octavius Cæsar iuuenis ignominiae la-  
bem contraxit, vulgatumque de eo sal-  
sum istud distichon:

*Post quam bis classe vietus naues perdidit;  
Aliquando ut vincat ludu assidue alea.  
Vituperatus quoque Caligula, qui cum  
plurimis flagitijs esset infamis, eo etiam  
laborauit, quod non contempserit ex  
vnu alea quæstum facere. Chilon Lace-  
dæmonius fœderis ineundi causâ Co-  
rinthum missus cum principes ciuitatis  
alea occupatos reperisset, statim infe-  
cto negotio pedes ad suos retulit, pro-  
nuncians,*

Suet. in  
Octavio.

Suet. in  
Caligul.

Fern. I. 4.  
cap. 32.  
de temul.

huncians, se gloriam Spartiarum, tum  
quidem gliscentem nolle aliâ maculâ  
inobscurari; ut diceretur Spartanos  
cum aleatoribus societatem iniisse.  
Tritum quoque pro homine infami o-  
lim adagium istud fuit, optimus aleator,  
id est rapo nequissimus; celebratum que  
pridem etiam hoc Publij Mimi carmen,  
*Aleator quantus in aleæ arte est, tanio ne-*  
*quior est.* Iure igitur Vlpianus ex Præ-  
toris edicto in eum animaduerti vult;  
qui compulit aleâ ludere, ut aut mul-  
ctetur, aut in latumias, vel vincula pu-  
blicè ducatur. Statutum præterea, ut si  
is, qui ad ludendum aleâ habitationem  
præbuit, verberetur, iniuriarum actio  
denegetur. Denique Iustiniani Impe-  
ratoris Sanctissimi extat constitutio,  
quâ prohibetur ludere in publicis, pri-  
uatisque edibus, aut locis: imò vel lu-  
dentes spectare; adeò reipublicæ, priua-  
tisque hominibus perniciosus hic lusus  
habitus. Apud Turcas ipsos quocunque  
genere ludi depositâ pecuniâ ludentes  
ignominia notâ afficiuntur primùm,  
deinde si pergunt, grauiore suppicio;  
Apostolorū severissimos canones à sex-  
ta Synodo sanctè receptos, ipsiusque  
sextæ Synodi rigidas contra aleam le-  
ges, dœnasque institutas prudens omitt-

P to,

In Ethic.  
to, quod eae res personas Deo sacras tantum perstringant. Aristotelem, & Platonem duo precipua Philosophiae nomina preterire non possum, quod eorum auctoritas apud Academicum Adolescentem plurimum valere debeat. Ille aleatores vocat fures, & latrones il-liberales, quod in turpi lucro occupentur, & quæstus causâ etiam probra sustineant: Plato autem ut reliquas pernicio-sas artes; ita aleam dixit à dæmone, quem Theut appellat, ex cogitaram fuisse, atque in Thamum Ægypti Regem primum delatam.

Audio quid obijcas. Adiaphana, in-quis, res est, alea, & criminè, aut flagi-tio vacans: ut satis mirari non possim, quid tot bonis istis viris in mentem, buccamque venerit, quod rem à pecca-to immunem tam grauibus sententia-rum, pœnarumque aculeis configant: ego verò ludo aleâ, & è flore etatis, at-que Academiæ multi mecum, ne que cre-dimus ita esse damnados, ut quia aleo-nes sumus, videamur omnibus flagitijs cooperti, & in insulam, aut orbem vlti-mum tanquam vitiorum monstra de-portandi.

Opportunè occurrit hic iterum diui-nus iste Plato, quem paulò ante cito-ram,

Vide Dio.  
gen.  
Laertium.  
Femel.  
sup.

ram. Fertur is olim Adolescenti, quod alea lusisset, grauiter reprehenso, istudque obiectanti, ob rem parsam obiurgas, acutè respondisse, at parum non est otio, plurimisque flagitijs assuescere: censebat vir sapiens non leue esse placulum, ei rei operam dare, cui vacare nequeas, nisi idem flagitiofissimus esse velis. Propè similia Alexandrum magnum simili in causâ respondisse author est Plutarchus, ex amicis quosdam mulctarat ob aleæ usum, lusum que: id illi male ferabant quod dicerent lusisse se tantum, quod coique etiam viro bono licebat: non ludunt, subiicit Alexander, qui fortunas, liberosque ipsos pictis tabulis, ossibusque notatis, id est, aleæ unius arbitrio permittunt.

Aduerte hic mihi queso animum, ad ea, aut mala, aut damna, quæ cum aleæ ludo sic coniungi solent, ut vix unquam abscedant, intelliges profectò non adeò leue esse hoc flagitium, ut quidem arbitraris.

Sanctus Cyprianus contra aleatores librum integrum conscripsit. Vbi inter alia hoc habet. *Aleæ tabula est Diaboli venibulum, & delicti vulnus insanabile, ubi Diabolus presto est ad capiendum submissus, & cum ceperit, de captivo triumphat, illic*

P 2            perfidia

perfidia, falsa testimonja, illic dementia, furta venale perinrium, colloquium serpentum, satisne? illic rabiosa amicula, illic atrocissimi sceleris fraternitas discordans illic conuira, & audacia saua, & mens in ana, & fera impatentia, tum vel vehementiori quodam spiritu incensus exclamat. O aleatorum noxia, dentaria, & pigra nequitia! o manus crudeles & ad periculum sui armata! qua bona paterna, & opes anorum sudore quaestas ignominioso studio dilapidant.

Denique de libidinibus subiicit. Est & quanta ipso aleatores cum prostituti mulieribus nocturnas vigilias clausis foribus celebrant: hic concrepat aleæ sonus, illic silencio operiur incestus: hic sine ullo dignitatis sua respectu, pestifero studio cedere bonis suis cogunt, illic secreto mortale venenum, bibuntur.

Operæ pretium est Ambrosium quoque audire aleæ fortunam, vitia, damnaque graphicè describentem. Varios, inquit primò sors ludii euentus, ad diversos sàpè transfertur victoria, stipendiisque eius virissim, atque arumna militantur, omnes videntur, & vincunt, fænator solus acquirit, penes alios mane nomen manet, quod vicerint penes fænatorem solus fructus est non annus, sed momentarius, fænatoris solum lucrum

lib. de  
Tobia c.  
xi.

lucrum in omnium detrimento; illis solis est  
usura victoria: videoas reliquos subito egētes,  
repētē diuitias, deinde nudos, singulis iactibus  
statū mutātes, versatur enim eorum vita ut  
tessera, voluitur census in tabulā, fit ludus de  
periculo, & de ludo periculum; quot proposi-  
tiones, tot proscriptiones: clamor plaudētum,  
fletus despoliatorum; sed & hos creditor, ut  
Tyrannus damnat unumquemque sorte ca-  
pitali, agitat hastas, feralem instituit de sin-  
gulorum exunijs auctionem; vita igitur hanc  
aleam reclīus dixerim, quam pecunia; sub  
momento fertur, quod valeat in aeternum.  
Recte igitur S. Antonius Florentiæ  
Archiepiscopus pronunciauit, tot cri-  
mina ex ludo eiusmodi nasci, quot in  
taxillis numerantur puncta.

Primò enim inest aleæ infinita tem-  
poris prodigalitas, non exiguum dam-  
nū, si quis rerum pretia bene æstimet.

Secundò nugæ, & ioci, ijque ferè  
turpes, ideo enim qui aleam damnant  
aleones ferè cum libidinosis, ventrique  
deditis coniungunt. *Quis hoc, inquit Catullus,* potest videre, quis potest pari, nisi  
impudicus, & vorax & aleo? notum que  
illud Horatij.

*Quem damnosa Venus, quem præcepit alea  
nudet.*

Tertiò voluuntur hic mendaçiorum,

imò periuiorum plausta, plurimi dolii, perpetuae fraudes, vbi istud impudenter iactatur: dolus, an virtus, quis in hoste?

Quartò sequuntur furta, & rapina, neque mediocres, sed ingentium prædiorum, totiusque patrimonij fœda naufragia, nec enim quod Iuuenalis plangebat, *Loculis comitantibus itur ad catum tabule: positâ, sed luditur arcâ: certè de Germanis scribit Tacitus, equisq; aleâ insanissæ, ut cùn omnia perdidissent, extremo, ac nouissimo iactu de libertate, ac corpore contenderent: quæ verò hinc miseriæ, & angustiæ familiarum proueniant, nemo non videt.*

Quintò ne superis quidem parcitur, audiuntur blasphemæ voces, & insanæ perdentium contra cælos furia. His denique adde superstitiones, sortes, maleficia, & (quisenim enumerandi sit finis?) rixas, pugnas, verberationes, homicidia. Si quidem vt Lyricus cecinit, *Ludus gennie erupidum certamen, & iram. Ira eructis inimicitias, & funebre bellum.* Quæ cùm ita sint, laudandum Magni Ludovici primi Francorum Regis istud, in re, quæ parua videri possit, egregium facinus. Comitem Auionensem fratrem suum cum nobili viro ludere aleâ audierat,

*Horat. 1.  
epist. 19.*

uerat, affixus tum erat lecto, ex corporis  
egritudine; nec mora, se strato eger pro-  
ripit, difficileque passu iter prætentans  
in locum, vbi ludebatur, prorepit, ta-  
bulam lusoriam, picta notulis ossula, pe-  
cuniæ quoque depositæ partem motæ  
vehementer bile per fenestram paten-  
tem in subiectum mare abicxit: tanto  
pro flagitio vir ille sanctissimus aleam  
habuit. Neque alio loco habuisse cense-  
ri debet Sanctus nostri Ordinis parens <sup>In vita</sup>  
Ignatius, quem accipimus, cum in Hi-  
spania esset, conatum fuisse acri studio,  
ut è solo patrio aleam omnem protur-  
baret. Verum de aleâ iam pro instituto  
satis.

Sextò porro alearum nomine in iure  
tum ciuili, tum Ecclesiastico, meliorum-  
que scriptorum sententia comprehensi  
censentur ludi omnino omnes, qui à  
casu fortunaque pendent: cuiusmodi  
sunt iactus Tesserarum, Talorum, Astra-  
galorum, Chartarum lusoriarum, &  
Scachorum, siue Latrunculorum. Beati  
saltem Damiani viri sanctimonia & eru-  
ditionis laude præstantissimi opinione.  
Sed de latrunculis, alijsque eiusdem  
sortis lusibus, quicquid demum alijsen-  
tiant; ego sane pictas illas Chartas, non  
fero, parique ferè loco habendas arbi-

P 4 tror

tror atque Aleas: primùm quòd similis  
& par in vtrisque profusio tum temporo-  
ris tum fortunarum. Deinde quòd in  
pictorum foliorum studiosis æquè ac  
aleatoribus, mendacia, periuria, iniuriæ,  
blasphemia, scurrilitates, rixæ, pu-  
gnæ, immensa quædam ludendi, per-  
dendi, peccandi, materies & insanus fu-  
ror. Quare quæ superiùs contra Aleas  
grauiiter ab autoribus, & à me allata  
sunt, paucis mutatis in lusorias Chartas  
quadrant, tum verò maximè versus ille  
Poëtæ elegans, nisi ad fœdum amorem  
transtulisset.

Quid.

*Tunc sumus incanti, studioq; aperimur  
en ipso,*

*Nudaq; per lusus pectora nostra pa-  
tent.*

*Fra subit deforme malum, lucrique, cu-  
pido*


*Jurgiaq; & rixa, sollicitusq; dolor.*

*Crimina dicuntur, resonat clamoribus  
æther,*

*Inuocat iratos & sibi quisque Deos.*

*Nihil necesse est cetera persequi: cum  
nihil sit clarius, quàm Adolescentes  
istorum foliorum studiosos maximè es-  
se Philosophicarum chartarum osores,  
ita verò prodigos ac perditos: vt cum  
studijs honestis omnia negent, noctes  
tamen*

camen insomnes agant ludendo; neque  
inde abstrahi se sinant, nisi nudi ac in-  
uestes ut anguillæ extiterint; atque uti-  
nam etiam cedes & homicidia non eue-  
nian! non ero igitur longior. Audiatur  
tantum Salmanticensis Academiæ san-  
ctissima lex *Moribus omnium Magistri*  
*Scholæ diligentissime invigilent: ut quem pro-*  
*nun in vita, & turpes vocos, taxilos, aut*  
*chartas esse compererint, hunc primum*  
*obiurgent, sin pergit, in custodiam*  
*coniugiant; O legem, inquis, non Ly-*  
*curgi, non Solonis, sed Draconis cu-*  
*iuspiam & quidem tetro sanguine exa-*  
*ratam! ita tu quidem: viri tamen sa-*  
*pientissimi aliter iudicarunt, eadem*  
*quoque, licet leuioribus pœnis propo-*  
*sitis, sacro sanctæ leges Scholarum So-*  
*cietatis nostre discipulis fixæ sanciunt,*  
*puniuntque.*



### S P H O E R I S T E R I A.

**F**inio hoc caput, si de Sphœristerijs  
verbum vnum fecero: nam ista huc  
quoque pertinent: quia et si pilæ hic vo-  
litent, aut iactentur (quem lusum supra  
laudaui) in hacque exercitatione & ar-  
tis

tis & motus sit plurimum: tamen, frequentior præsertim, Sphœristerij usus, peccat excessu temporis, pecuniarum, agitationis corporis: Neque pauciora multò vitia deprehendes in ijs, qui loca illa celebrant, quām quæ in chartarum lusoriarum studiosis, aut ipsis ferè aleonibus. Quare meritò tum Academias reætè institutæ vniuersim, tum speciatim studiosorum Societatis I E S V Scholæ Sphœristeria prohibet, suosque pœnis etiam decretis eorum aditu, usque interdicunt.



## O R A T I O.

*Contra temporis & fortunarum  
iacturam.*

**D**omine Deus, qui hominem non ad otium, sed ad laborem condidisti, iubelque ut operemur, dum dies est, cogitemusque noctem, in qua nemo operari poterit: da mihi per gratiam tuam; ut semper me rebus honestis occupem, tempusque rem pretiosissimam suis momentis expendam, utiliterque impendam ad honorem tuum, ad meam alio;

aliorumque salutem, ad pœnitentiam  
scilicet agendam, ad obtainendam ve-  
niā, ad acquirendam gratiam, ad pro-  
merendam gloriam: da mihi præterea;  
vt peccata mea eleemosynis potius re-  
dimam, quām vt res meas lusibus vanis  
& noxijs perdam; vt dicere cum Hiere-  
mia possim, *Non sedi in Concilio lud n-  
tium; sedebam solus:* & cum Sara filia  
Raghuelis: *Nunquam cum lud nibus*  
*miscui me, nique cum his, qui in lunate*  
*ambulant, partipem me præbui:* Aleā im-  
posterum te crucifixo, ac pro me patien-  
te, ah nunquam ludam, eludam ve san-  
guinem tuum, sanguinem, quo sub cru-  
ce ludentes impios milites, & de tua ve-  
ste lucrum captantes, aspersos video:  
Aleam enim vel hæc sola tam sacrilega  
impietas damnare Christianis pridem  
debuit. Fac vt ita tum temporis ium re-  
rum mearum rationem tanquam bonus  
dispensator habeam, tibi que reddere  
possim: vt in die Iudicij audire merear,  
*Euge serue bone & fidelis, quia in pauca*  
*fueristi fidelis, supra multa te conſtituam, in-*  
*tra in gaudium Domini tui. Amen.*

SVM-